

Áššeovddideapmi

— Vuodđodokumeanta.
x Jorgaluvvon dokumeanta

Vuorkáášsenr. 2021/944-10	Vuorká: 145	Áššemeannudeaddji: Marit Elisabeth Hætta Gaup	Dáhton: 10.11.2021
-------------------------------------	-----------------------	--	------------------------------

Lávd.ášsenr.	Lávdegoddi:	Čoahkkindáhton:
	Ungdomsrådet	
	Eldreråd	
	Hovedutvalg for kultur, næring og teknisk	
	Hovedutvalg for oppvekst, helse og sosial	
	Råd for personer med funksjonsnedsettelse	
	Ovdagotti mearrádusevttohančoahkkinn	
	Suohkanstivra	

EKONOMIJAPLÁNA 2022-2025 JA JAHKEBUŠEAHTTA 2022

Mearrádusdiehtu sáddejuvvo dán čujuhussii:

- Fylkesmannen i Troms og Finnmark, Damsveien 1, 9815 Vadsø
- Vefik IKS, Postboks 1023, 9503 Alta
- KUSEK IKS, Postboks 1261, 9505 Alta
- Ovttagadagat

Čujuhuvvo čuoovvovažžii:

- Ekonomijaplána 2022-2025 mas doaibmaplána ja jahkebušeahtta 2022 (evttohus)
- Suohkanlága §§ 14-3 – 14-22 gullelaš láhkaásahusaiguin
- Stádabušeahtta 2022 ja Grønt Hefte 2022
- KS prognosamodealla rámmadoarjagii 2022
- Guovdageainnu suohkana ekonomiijanjuolgadus
- Proposisjon 1 LS (2021-2022) til Stortinget (forslag til stortingsvedtak) angående skatte, avgifter og toll for budsjettåret 2022 – Stortingets skattevedtak

Mildosat:

- 1 Vedlegg 1 - Økonomiplan 2022-2025
- 2 Vedlegg 2 - Tiltaksliste-DRIFT
- 3 Vedlegg 3 - INVESTERINGSTILTAKSLISTE
- 4 Vedlegg 4 - Finansrapport økonomiplan 2022-2025

Ášši duogáš:

Suohkanlágas lea gáibádus ahte suohkanplána servodatoassi ja ekonomiiaplána ja doaibmaprográmma lea seammá bálgá nalde. Go ráhkada ekonomiiaplána, de dat váldá vuolggasaji suohkanplána servodatoasis, ja doaibmabijut ráhkaduvvojit nu ahte oláha daid mihttomeriid boahttevaš 4 jagi. Plánadokumeanttas lea doaibmaprográmma, 2022 jahkebušeahtta ja ekonomiiaplána 2022 – 2025 áigodahkii. Doaibmaprográmma hábme vuođu ovttagaid doaibmaplánaide čuovvovaš jagi.

Suohkana ekonomiijanjuolggadusa mielde mearrida ja juohká suohkanstivra juolludemiid suohkana doibmii netto rámmadásis. Juolludeamit ovttagaide boahdá ovdan bušeahttaskovis 1C. Netto rámma ii galgga, ekonomiijanjuolggadusa mielde, badjel mannat suohkanstivra lobi haga, dat mearkkaša ahte suohkanstivra lea meannudan ášši rievdadit netto rámmajuohkima. Bálvalusovttadagat mearridit jahkásaš detálljabušeahta mas doaibmahivvodat lea dan rámma siskkobealde mii lea juolluduvvon. Suohkanjođihedjiin lea dasto iežaset váldesirdojuvvon bušeahttaválddi siskkobealde gohččojuvvon ovddasvástádus ahte netto doaibmarámmat eai rasttilduvvo.

Miellddus 2 čájeha hálldahusa evttohusa doaibmabijuin máid sáhtá válljet váldit sisa doaibmabušehtii dahje bidjat eret. Doaibmabijut mat čilgejuvvot seastindoaibmabidjun leat doaibmabijut maid suohkandirektevra lea bargan bušeahttaevttohusa sisa. Dat leat váldojuvvon mielde čalmmustahttit maid suohkan boahdá seastit jus doaibmabijut váldojit eret bušeahtas. Doaibmabijut mat čilgejuvvot bušeahttalasáhussan leat doaibmabijut maidai ii leat gávdon sadii doaibmabušeahta evttohusas, muhto maid suohkanstivra sáhtá válljet váldit. Seammá láhkái go miellddus 2:s čájeha miellddus 3 investerendoaibmabijuid evttohusaid. Ii goabbá ge dain listtuin leat dievaslaš.

Miellddus 4 lea finánsaraporta ja čájeha makkár eavttuid mielde ekonomiiaplána lea ráhkaduvvon. Finánsaraporta lea analysat mat leat huksejuvvon vuordámušaide boahttevaš reantoovdáneapmái ja váldá vuolggasaji loanain maid suohkanstivra lea juo dohkkehan. Lassin loatnaváldimiidda maid suohkanstivra lea juo dohkkehan lea maidai evttohus ođđa loatnaváldimiidda jahkásaččat kr. 16 milliovnna álggahanloanaid ektui váldon mielde finánsaraportii.

Árvvoštallan:

Ássiid, servodaga ja ealáhuseallima vuordámušat ja jearaldagat suohkanlaš bálvalusaide lassánit eambbo go dan mii otná suohkanlaš sisaboahtodásis lea latnja. Suohkanis leat biddjojuvvon johtui stuora doaibmabijut gos ođđa bargosajit galget ráhkaduvvot ja stuora huksen- ja infrastrukturdoaibmabijut galget čadahuvvot. Seammás galgá suohkan effektiviseret doaimma ja ovdánahttit suohkana digitála bálvaluslágideaddjin. Go geahččá ekonomalaš doaibmavejolašvuođaid lea Guovdageainnu suohkanis ekonomiiaplánaáigodaga álggus beare alla gollodássi, gollodássi mii lea badjelis sisaboahtoeavttuid gustovaš ekonomiiaplánas.

Ekonomiiaplánaáigodagas plánejuvvo oažžut netto negatiiva doaibmabohtosa 1,9 %. Lohku mii lea olu vuollegeappo go mihttomearri mii lea 1,75% doaibmasisabođu supmis, nu go lea čállojuvvon doaibmanjuolggadusain maid suohkanstivra lea mearridan. Dat mearkkaša ahte suohkan otná doaimmain ii nagot ruhtadit daid manni doaibmagoluid manni doaibmasisabođuiguin ja lea čadnon golahit ovddeš várrejumiid nu go disposišuvdnafoanda. Vaikko disposišuvdnafoanda lea doaibmanjuolggadusaid

siskkobealde addet čoavddalogut čielga signálaid ahte suohkana ekonomii ja ii leat guoddevaš jus ii rievdat doaimma.

Suohkanis lea stuora rievddadan- ja nuppástuhtindárbu, bargu maid ii sáhte deaivat oanehisáigge seastindoaimmabijuin, muhto mii boahtá gáibidit vuđolaš nuppástuhtinproseassa. Historjjálaš vuollegis reantodási ja koronaruda geažil lea suohkan ožžon gaskaboddosaš lassáneami ekonomalaš doaimmavejolašvuhtii. Dán doaimmavejolašvuđa berre geavahit bidjat vuđu boahttevaš ekonomalaš guoddevaš doibmii. Jus suohkan ii rievdat otná doaimma, boahtá dat áiggi mielde mannat suohkana bálvalusfálaldagaid ovdii. Suohkan lea gal bidjan johtui 3- jagi ovdánahttinprošeavtta juste dainna mihttomeriin ahte nuppástuhtit ja heivehit doaimma boahttevaš golldárbbuide. Hástalus lea nuppástuhtit johtileappo go bálvalusdárbu rievdá. Demográfalaš ovdáneapmi addá signálaid ahte rievdadeapmi bálvalusdárbbus boahtá juo 2022:s.

Vealgi- ja kapitálagoluid lassáneapmi váldá stuorit ja stuorit oasi doaimmasisaboađuin ja šaddá unnit ja unnit bálvalusaid buvttadeapmái. Bušeahtaid ráhkadeapmi jagiide 2022-2025 addet signálaid doaimmaekonomii birra mii ii leat buori balánsas. Vaikko suohkanis lea disposišuvdnafoanda mas mearkkašahhti stuoris, ii leat ekonomalaččat gánnáhahtti salderet (balanseret) doaimmabušeahta sestojuvvon ruđain.

Ekonomiijaplánaáigodagas plánejuvvo netto negatiiva doaimmabohtosii nu go lea dohkkehuvvon mihttologuin. Dasa lassin boahtá loatnavealgi maid dai lassánit badjel ekonomalaš mihttologuid. Dat mearkkaša ahte suohkan lea iežas ekonomalaš mihttologuid vuostá ja lea manname ii-ekonomalaš guoddevaš doaimma guvlui.

Suohkanstivra berre árvvoštallat maid sii dáhttot válljet eret hábmet lanja investeremiidda mat leat dohkkehuvvon ja seammás fuolahit eambbo vuorrasiid ja lassánan dárbbu dearvvašvuodas ja fuolahusas. Dan oktavuodas lea jierpmálaš árvvoštallat ahte berre go investeremiid ja nuppástuhtindoaimmabijuid manjit dahje rievdadit dassáži go dárbbut leat čielggaduvvon eambbo. Evttohus ekonomiijaplánii čájeha ahte boahtá leat ekonomalaš riska jus vuordá beare guhká dahkat dárbbaslaš daguid nuppástuhtit doaimma.

Mearrádusevttohus:

- 1) Doaimmaprogramma 2022 – 2025 mearriduvvo daid mihttomeriiguin ja premissaiguin suohkana bálvalusbuvttadeami ektui mii boahtá ovdan doaimmaprogrammadokumeanttas.
- 2) Jahkebušeahtta 2022 ja ekonomiijaplána 2022 – 2025
 - a) Doaimmabušeahtta mearriduvvo bušeahttaskoviid 1A Bevilgningsoversikt drift, 1B Bevilgningsoversikt drift fordelt på enheter, 1C Bevilgningsoversikt fordeling av netto budsjettrammer på enheter ja 1D Økonomisk oversikt drift vuđul.
 - b) Investeringsbudsjettet mearriduvvo bušeahttaskoviid 2A Bevilgningsoversikt investering, 2B Detaljert investeringsoversikt ja 3A Oversikt over gjeld og andre langsiktige forpliktelser vuđul.
 - c) Jahkebušeahtta lea čadnon, ja dan sáhtá dušše suohkanstivra ieš rievdadit, dahje daid ekonomalaš ja hálldatlaš válddi váldesirdinnjuolggadusa mielde man suohkanstivra lea mearridan.
 - d) Ovttagaide juhkkjuvvon netto bušeahttarámma bušeahttaskovi 1C mielde.

- e) Investerenrámma biddjo kr 144 497 000 rádjái, man álggahanloana oasusmávssut dahket kr 2 746 000, iežas ruđa lonen dahká kr 16 000 000 ja iežaskapitála sisamáksu KLP:i dahká kr 750 000, vrd bušeahttaskovi 2B.

3) Loatnaváldin.

- a) Suohkanstivra dohkkeha loatnarámma 2022 kr 5 500 000 ruhtadit ođđa netto juolludemiid iežas investeremiidda, vrd. suohkanlága § 14 – 15 vuosttaš lađas.
- b) Suohkanstivra dohkkeha loatnarámma 2022 kr 16 000 000 ruhtadit álggahanloana Viessobánkkus viidásit lonemii vrd. suohkanlága § 14 – 17.
- c) Suohkandirektevra oažžu válddi dohkkehit loneneavttuid namuhuvvon loatnarámmaide.

Loanaid váldá dárbbu mielde ja maŋŋil go ollislaš árvvoštallan lea dahkon máksinnávccas, riskaárvvoštallamis ja positiiva vuoittu vejolašvuođas. Suohkandirektevra oažžu válddi dohkkehit loatnaásahusa, loatnaeavttuid ja oassemáksináiggi.

- 4) Vearru sisaboađuid ja opmodagas mearriduvvo dan bajimus vearromáksui man Stuoradiggi mearrida.
- 5) Suohkanstivra dohkkeha ovdagotti ekonomiijaplána 2022 – 2025 ja jahkebušeahta 2021 evttohusa čuovvovaš rievdadusaiguin: